

## نعت شریف

کیا کراں توصیف تیری امے قریشی دلربا  
خوب خوباں سیم تن گلبرگ محبوب خدا  
شوق تیرے سینا ساجن کر ڈتا شوقوں کباب  
بے قراری اشک باری گریہ زاری التجا  
نین نرگس کجلے بھریاں لٹ نیتا دل ہائے ہا  
روندی رڑدی دانہیں کردی در دی بردی آرہا  
رخ منور نور بھریا ہے قمر بدر منیر  
زلف زنجیر مسلسل گیسوئے مشک سیاہ  
رنگ رنگیلا ناز پرور نازنیناں دا سنگار  
شاہ شہاندا دل کون بھاندا دردمندیں دا دوا  
ہن ڈینہو ڈینہں سول سنجڑے بانہں سراندی سوزہن  
دل نہ جنبے جسم کمبھے لائے نی لمبے واہ واہ  
کوجہی کملی دردی بانڈی پل نہ سہندی ہاں جدائی  
درد ٹالو دید بھالو چا سمبھالو سانورا  
سن فغان عبدالغفار دی قبلہ دل پیر مغان  
شوق شعلے جگر کولے ڈمے نہ رولے راہ نما